



Broj:09-20/1-11-2-1436

Dana: 10.09.2021 godine

Na osnovu člana 43., i 45., Zakona o unutrašnjim poslovima Federacije Bosne i Hercegovine („Sl. novine Federacije BiH“ broj: 81/14), člana 25., 69., i 70., Zakona o javnim nabavkama BiH („Službeni glasnik BiH“ broj:39/14) i preporuke Komisije za provođenje otvorenih postupaka nabavke u 2021. godini, zamjenik direktora Federalne uprave policije d o n o s i:

## O D L U K U

o poništenju postupka Javne nabavke futrola za naoružanje i štitnika.

Na osnovu obavještenja o nabavci broj: 1412-1-1-127-3-73/21 objavljeno u „Službenom glasniku BiH“ broj: 42/21, dana 09.07.2021 godine, provođen je otvoreni postupak.

1. Za predmetnu javnu nabavku pristiglo je šest ponuda od tri pravna lica i to od „DANIEL S“ d.o.o. Tešanj, „SHOT“ d.o.o. Zenica i „ABC SPORTING“ d.o.o. Banja Luka, te je u vezi sa navedenim dana 10.08.2021 godine, vršen pregled i ocjena dostavljenih ponuda o čemu je sačinjen Zapisnik broj:20/1-11-2-1436.
2. Komisija je u Zapisniku o pregledu i ocjeni ponuda od 10.08.2021 godine, konstatovala da je u toku postupka prijema i otpreme ponuda za navedenu nabavku, od strane pisarnice ugovornog organa došlo do pogreške tehničke prirode, odnosno da ponuda KM TRADE d.o.o. Visoko za navedenu nabavku (koja je u pisarnici zaprimljena u predviđenom roku) nije dostavljena nadležnoj Komisiji kako bi ista bila uvrštena u postupak otvaranja ponuda, koje je održano dana 23.07.2021 godine i time onemogućen pregled i ocjena predmetne ponude i učestovanje u postupku izbora najpovoljnije ponude, te je iz tog razloga predložila poništenje predmetne nabavke.
3. Shodno članu 69., stav 1., tačka b., Zakona o javnim nabavkama BiH, ugovorni organ donosi Odluku o poništenju postupka predmetne nabavke.
4. Odluka stupa na snagu sa danom donošenja.

## OBRAZLOŽENJE

Komisija za provođenje otvorenih postupaka nabavke za 2021. godinu, imenovana Rješenjem zamjenika direktora Federalne uprave policije, broj: 09-19/1-30-2-207 od 18.03.2021. godine, je postupala shodno obavještenju o nabavci broj:1412-1-1-127-3-73/21 objavljeno u "Službenom glasniku BiH" broj: 42/21, dana 09.07.2021 godine, te tom prilikom provodila otvoreni postupak Javne nabavke futrola za naoružavanje i štitnik (LOT 1 - nabavka futrola sa opasčem i podopasačem i LOT 2- nabavka štitnika za laktove i koljena).

Dana 23.07.2021. godine, izvršeno je otvaranje ponuda o čemu je sačinjen Zapisnik u kojem su uneseni svi elementi predviđeni članom 63., stav 4., i 5., ZJN BiH te konstatovano da je za navedenu nabavku dostavljeno 5 zatvorenih koverti sa ukupno 6 ponuda i to za lot 1- tri ponude i za lot 2- tri ponude a što je evidentirano u Zapisniku o zaprimanju ponuda broj 09-20-11-2-1436.

Komisija je na svom sastanku koji je održan dana 10.08.2021 godine, konstatovala da je zaprimljen akt Sektora za administraciju broj:19/1-1604/21 od 03.08.2021 godine, i to Izjašnjenje u vezi pogreške pri unošenju podataka u Zapisnik o zaprimanju ponude od 03.08.2021 godine sa priložima (Zapisnik o prijemu ponuda broj 09-20-11-2-1-1436, Zapisnik o prijemu ponuda broj 09-20-11-2-1-1477, Izjašnjenje Senada Hidić i ponuda KM TRADE broj 09-20-11-2-1436) odnosno da je toku postupka prijema i otpreme ponuda za navedenu nabavku, od strane pisarnice ugovornog organa došlo do pogreške tehničke prirode i da ponuda KM TRADE d.o.o. Visoko (koja je bila dostavljena u predviđenom roku), nije bila dostavljena nadležnoj Komisiji kako bi ista bila uvrštena u postupak otvaranja ponuda, koje je održano dana 23.07.2021 godine i time onemogućen pregled i ocjena predmetne ponude i učestovanje u postupku izbora najpovoljnije ponude, te je iz tog razloga predložila poništenje predmetne nabavke u skladu sa članom 69., stav 1., tačka b., Zakona o javnim nabavkama BiH.

Pravna pouka: Protiv ove Odluke može se podnijeti žalba ugovornom organu, Federalnoj upravi policije u roku od 10 (deset) dana od dana prijema ove Odluke.

  
**ZAMJENIK DIREKTORA  
GENERALNI INSPEKTOR POLICIJE**  
Ensad Korman

Dostaviti:

- Sektor za mat. fin. poslove
- ponuđačima
- u spis